

FORUM DA VOTAZIUNS

Colligiazion Sedrun – territori da skis Mustér, realitad ni mo siemi?

Ella «Tuatschina» nr. 22 presenta l'interessenza «Pro Cungiari» sia visiu da reactivar il territori dall'antieri pendiculara Cungiari. Gl'unviern vulan ins introducir paradisi d'affons, ruschneras, ir cun balluns da neiv (snowtubing), runals ponys, vitg dad iglus, star sur notg, activar ed illuminar la scursalada, crear ella planira in zoo d'animals indigens, pureser d'avon onns, curtgin da verduras, jarvas, star sur notg ellas tegias, giugs d'affons ordavert e sut tetg, pista per velos da monster (sco a Mustér), activar il restaurant d'antruras cun specialitads indigenas e films vegls, ect.

Clar dispona il territori d'ina bellezza survesta e las propostas fussen interessantas, aschinavon ch'ellas existan aunc buca ni buca sufficientamein. Denton, ein ellas dumandadas e concurrenzschan buca existents purschidas, finanziadas parzialme in dil generalester? Ei il Cungiari sulegriv il dretg liug per sport d'unviern? Ei basignass cundrezs d'ennevar, aua, energia, canalisaziun ed il necessari parc da maschinas ect.

Sedrun posseda in bellezza parc d'affons a Valtgeva ed in bellezza parc da divertiment sisum Milez. Munconzas savesen vegnir cumpletadas. Il territori alla sta-

ziun si Cungiari ei teis, fetg stretgs, limi-taus e gia surcarschi cun plontas, pia buca ual adattaus per in runal pony. Ein ils iniziants perschadi dils problems e prendesen enta maun la realisaziun ed il manteniment sin agen donn e cuost ni laian els sura quei alla vischnaunca? Igl'empre in vitg d'iglus era plazaus sur Surrein ell'umbriva. Muort munconza d'infrastructura eis el vegnius transferiurs a Tschamut sper il hotel oravontut per saver far diever da purschidas sanitaras. Il vitg ei ius en muort munconza da tscherca. Las purschidas proponidas mauncan buca. A Dieni fussen la segirtad e cumadeivladad per viandonts e scursaladers d'optimar cun ina passarel-la vid la vart sura dalla punt MGB.

Clar che la pendiculara vegn benev-tada. Nossa vischnaunca ha fatg grondas investiziuns vid ils implonts turistic el territori da Milez – Alpsu ed integrau fetg raschuneivel sia cumpart proprietad ella nova societad. Pendicularas Sedrun-An-dermatt dattan ad interim il damogn da transportar ils hospis tuatschins senza il project da 15 milliuns che custassi a nus sco ins auda 2,5 milliuns francs. Cun meins diever dils implonts existents supponel jeu ch'ei vegness vonzei desistiu da mantener e remplazzar enqualin.

Ils bigliets comunabels possibilite-schan finalme in l'utilisaziun dils indrezs turistic sin via da tren da Mustér to-chen a Fiesch. Il niev diever dallas pen-dicularas da Mustér cuosta rundau si per persuna da Tujetsch 100 francs, per per-suna invalida 150 francs e per famiglia jastra da quater dels 130 francs supple-mentarme in. Ina colligiazion fuss inte-ressanta sche Mustér arves la stad – muort la bellezza survesta e muort la col-ligiazion directa sisum siu territori – mo sia pendiculara da Sedrun ed organisass ils transports, ni sch'igl investur da Mustér baghegiass era in resort a Sedrun ni silmeins in hotel sil plaz sper nies bogh e wellness.

Ozildi deponan skiunzs lur skis, cal-zers e capellinas tier las pendicularas. Skiunzs da Sedrun vegnan buca ad ir sa-vens en Dieni per lur uorden per ir a Mustér era cun la pendiculara. Cheu sli-giass la comunicaziun regulara da bus direct denter Dieni e Mustér cun stops sils plazs impurtonts dalla via cantunala pli bienmarcau, efficient e cumadeivel ton per il hosp ni sco per omisdus desti-naziuns e fuss insumma in survetsch beinvegniu per tuts.

Edgar Hitz, Sedrun/Locarno

Adia Adula – la fiasta: Ils meinis ein fatgs

Resumau: Pli datier che zatgi ei dil cuolm e pli fetg ch'el ei encunter in parc, aschia Val, Vrin, Val Sumvitg, nua che tuts habi-tonts dian na. Ils cuolms ein nossas pirami-das. Las piramidas aber l'entschatta da nos-sa cultura. La schanza ei fetg buna che la Greina resta Greina. Inscenaziun da cun-trada munta demistificaziun da cuntrada. Senza il mitus savein nus aber buca viver. Vers muntagnards ein buca cumprabels. Quels che vulan metter lur vitgs in zona dueien far ei. Charta encunter poesia.

Quei che vegn a restar ei denton la poesia. Aschia ei igl immens imperi ro-man svanius, restai ein Vergil, Ovid. Aschia ei igl imperi engles svanius, restai ein Shakespeare, Byron, Joyce.

Materialme in essan nus aunc mai vivi aschi bein sco uss. Pli beinstonts ch'ins ei, e pli bia ch'ins vul. Il selamentem ch'ins

auda adina ei absurd. Mirei inagada els egl's trests da nos fugitivs che nus mettein en migliacs e schein star entuorn, enstagl d'integrar els en nossas famiglias, mussar ad els nies lungatg ed occupar els.

Nies avegnir ein nos affons, buca la tecnocrazia. Nies avegnir ei plinavon quei che nus vein en abundanza: Aua, crap, lenn. Val, per exempel, ha fatg za-tgei ord l'aua ed ord il crap. L'aua da Val ei ina marca ch'ins entaupa dapertut sil mund. Nies avegnir ei nosa fantasia, nies entusiassem, nosa qualitat, nosa auten-ticitad, nies humor. Nies futur ein buca labels, buca monitoring, buca controlla.

La dumengia naven dallas 16.00 fa-gein nus cul pievel fiasta a Rabius el ho-tel Greina, independentame in dils resul-tats dalla votaziun. Tut leusunter can-tein nus «Freude, schöner Götterfun-

ken», ni Bach/Luther: «Und wenn die Welt voll Teufel wär...». Nus vivin gie suenter vinavon in sper l'auto, boicot-tein buca quels che han in auto meini. La democrazia viva dalla differenza, cun-trari al meini da Managementplan Parc Adula, Kapitel C, 9: «In einem Land, in dem direkte Demokratie gelebt wird, muss Konsens bei allen Bewohnern aller Gemeinden herrschen».

Quella fiasta ei buca sponsorada da Parc Adula, mo bein da nus e da quels che han susteniu nus. Vegni stedi da maneivel e da lunsch. Nus discutein buca digl avegnir, mo bein stein da cumpignia.

Engraziel fetg da vies sustegn, da vos-sa vusch, per vies anim che nus veis dau. Mo cun vies vent el dies eis ei stau pus-seivel da cumbatter senza piarder ni gnar-va ni humor. Pli comite: Leo Tuor, Sumvitg



CARICATURA J. GUIDON

NOVITADS WWW.RTR.CH

Camiun da militar cupitgà a Sviz

D'in accident cun in camiu da militar a Sviz èn 10 persunas vegnidas blessadas lev fin mezigrev ier avantmezdi. Tenor la giustia militar n'è tras l'accident nagin en privel da vita. Sco quai ch'il pledader da la polizia ha ditg èn pliras ambulanzas ed in helicopter stads en acziun. Daco che l'accident è capità na san ins anc betg. Il vehichel – in Duro da pliras tonnas – ha surpassà in'insla, derschi in candelaber, rut tras ina saiv, è cupitgà pliras giadas e sa tschentà sin il tetg. Ils schuldads vegnan tractads psicologicame in.

Lucerna: Dus schefs da la polizia avant dretgira

Il cumandant da la polizia dal chantun ed il schef da la polizia criminala da Lucerna stoppian sa responsar avant dretgira, ha communigà il Departament da giustia e segirtad dal chantun. Il procuratur public haja accusà els pervia d'ina acziun da la polizia durant la quala era morta ina dunna. *Adi Achermann*, il cumandant da la polizia dal chantun da Lucerna, e *Daniel Bussmann*, il schef da la polizia criminala lucerna, vegnan a stuaire sa responsar avant dretgira. Sco ch'il Departament da giustia e segirtad lucerna ha communigà il mardi haja il procuratur public extra-ordinari accusà ils dus umens. Il cusseglier guvernativ *Paul Winker*, ch'è il responsabel per il Departament da giustia e segirtad lucerna, sustegna in in messadi da video a las medias la polizia lucerna e sia lavur. I saja impurtant da far endament ch'i valia la presumpziun d'innocenza en fin ch'ina sentenza saja avant maun. *Christoph Rüedi*, il procuratur public extra-ordinari, n'ha fatg naginas indicaziuns perche ch'el haja en il senn d'accusar ils dus umens. El ha mo confermà ch'el haja orientà els davart sias intenziuns, scriva l'agentura da novitads svizra sda. La procedura na saja dentant betg anc serrada giu. La prestorgia da l'accusaziun è in'acziun da la polizia dals 9 da mars da quest onn. A Malter en il chantun da Lucerna aveva ina dunna da 65 onns, ch'aveva ina malsogna psichica, sa zuppà en s'abitaziun durant 17 uras. Ella aveva sa dustà

cun armas cunter ils policists che avevan vuli prender davent la cultivaziun da chonv da ses figl. La polizia aveva decidì d'assaglar l'abitaziun ed ha chattà la dunna morta en il bogh. Ella aveva sa sajettà – uschia co ch'ella aveva smanatschà avant als policists. Ses figl, ch'era l'avugà dad ella, ha lura denunzià il cader da la polizia pervia d'abus d'uffizi e mazzament per negligentscha. Quest settember era vegni enconuscent che Achermann e Bussmann na dastgian il mument betg surpigliar acziuns delicatas.

Ils aviuns dal tip F/A 18 e Tiger sgolan pli ditg che planisà

A partir dal 2025 duain novs aviuns da cumbat ir en l'aria en Svizra. Per ch'els aviuns militars dal tip F/A 18 possian restar uschè ditg sco pussaivel en l'aria ston els uss vegnir rearmads per ina summa d'ina mesa milliarda francs. Er ils aviuns dal tip Tiger duajan anc cuntinuar a sgular. Il minister da la defensiu *Guy Parmelin* ha preschentà las recumandaziuns da la grupp d'experts per in nov aviun da cumbat. Cun in credit da 10 milliuns francs duai vegnir finanziada la prepara-zion per cumprare in nov aviun da cum-bat. En il fratemp duain ils F/A 18 sgular 6000 e betg mo 5000 uras. Plinavon duai ina part da la flotta dal tip Tiger sgular pli ditg che planisà. Suenter ch'il pievel svizzer ha refusà da cumprare in nov aviun da cumbat duain ils aviuns existents restar pli ditg en acziun. Ina gruppa d'experts da la confederaziun propona da laschar sgular ils F/A 18 fin il pli tard il 2030. L'on 2025 cuntanscha la gronda part dals aviuns la fin da lur du-rada d'utilisaziun. Quella è fixada tar 5000 uras da sgol. Perquai propona la gruppa d'experts da la flotta la durada da vita dals 30 F/A 18 restants sin 6000 uras da sgol. In nov aviun da cumbat è però tuttina necessari. Quai è la conclu-sion da la gruppa d'experts. Sco quai ch'il Departament federal da defensiu scriva duai il tip d'aviun vegnir tschernì il 2020. Il 2022 duai lura il parlament approvar ils meds necessari, uschia ch'els aviuns novs pudessan ir en l'aria tranter ils onns 2025 e 2030.

NOS MORTS

En memoria d'Amanda Flepp-Maissen, Danis-Tumvi

Segner, mias forzas ein consumadas, jeu poss buca pli, pren si mei in tes mauns.

Contas gadas ha l'Amanda exprimiu quei suspir il davos temp?

Gliendisdis, ils 10 d'october 2016 ha il bien Diu exaudiu sia supplica e liberau ella da tuts mals terresters.

L'Amanda ei naschida a Sumvitg ils 26 d'october 1936 sco emprema feglia dils geniturs Casper Alois e Teresa Maissen-Bass. Entefier ils onns han aunc dus frars ed ina sora fatg cumpignia all'Amanda e la famiglia era ventireivla.

Entgins onns da scola primara ha ella frequentau a Sumvitg, suenter eis ella scolada vinavon el casti da Schluein ed era a Glion tier las soras dominicanas. Fini ils onns da scola ha ei giu num ir a gudagnar e segidar finanzialme in a casa. Aschia eis ella stada ina buna e fideivla survienta. Entgins onns ha ella luvrau ella Fabrica da ponn a Trun. Sil viadi da Sumvitg a Trun ha ella fatg enconuschienscha cul giuven Medelin Paul Flepp. Lur carezia ei semadradada ed ils 30 da matg 1964 han els detg il gie matrimonial in a l'auto. Il giuven pèr secasa a Danis. Era il fegl Marcus dall'Amanda anfla leu in bien dacasa. Entefier ils onns partan ils fegls Michael, Simon, Andriu, David sco era



il Marcus la veta familiara. La dunna e mumma ha giu bien quitaun per ses sis umens e quels havevan prioritad en famiglia. La veta dalla defuncta ei denton era stada umbrivada da fridas che fan mal a tgierp ed olma. La nova ch'il fegl Marcus seigi sedisgrazius en ina tiara lontana ha sfraccu il cor dalla buna mumma. Era la mort da sia sora Alice ha caschunau gronda dolor. Entefier ils onns ha la defuncta giu da sbatter cun la sanadad. Entras ina degeneraziun

dalla macula ei la vesida vegnida fetg schliata ed ella era quasi tschocca. Era ha ella stuiu sesuttametter ad operaziuns vid il cor ed ulteriurs organs e si-as forzas svanevan veseivlame in. La pli gronda frida ei la mort da siu car mariu Paul ils 29 da fevrer da quest onn stada. Quella sperdita ha caschunau en casa a Tumvi ina largia che negin ha saviu emplenir e l'Amanda sesenteva persula e bandunada. Era las visetas da ses fegls cun famiglias han buca pudiu gidar il schar encrescher per il bien mariu e bab. En preschientscha da ses quater fegls e suenter haver retschert il sacraments dils moribunds eis ella sesentida libra ed en tutta ruasseivladad ha ella bandunau nies mund per entrar en la patria celestia. Ils 15 d'october ha in grond pievel da bara assistiu al survetsch funeral che sur Sep Fidel Sievi ha celebru. Suenter ina veta matrimoniala da varga tschuncont'onns ruausa si'urna comunablame in en fossa cun siu mariu Paul.

Cun in verset ord ina poesia da nies nunemblideivel Victor Durschei giavischel jeu all'Amanda il stai cun Diu. *Mumma! Ti eis id'a casa tier Niessegner, nosa glisch. Po a nus in plaz prepara sur las steilas sin parvis.*

Annamaria Albrecht